

## GEMEENSKAPSNuus

# HUIS EN TUINBOUklub: Groentebeddings

Met die vyfde maand van die inperking nooi Pia Pienaar en haar span elke lid uit om deel te neem aan 'n "Drive Thru" bederf-oggend. Elk het 'n pakkie en sielskos ontvang met die woorde van Rona Kritzinger. Stemopnames is weer op die groep gestuur waar Pia elkeen verwelkom en open met die woorde uit Jakobus 1: 2-3. Sy vertel ook dat dit 'n voorreg was om elkeen weer te kon sien en iets met en vir mekaar te kon doen. In die bederfboks wat elk ontvang het, is Jan van Zyl se notas oor hoe om 'n groentetuin voor te berei. Saam met elkeen se bederf en saadjies wat in die boks geplant kan word is notas in die vorm van 'n resep met aanduidingss hoe om dit te plant. Rona Kritzinger is aan die woord. Sy is 'n maatskaplike werker wat vir die afgelope 29 jaar woonagtig is in Frankfort saam met haar man Herman, met wie sy al 40 jaar getroud is. "Plant en maak jou toe met die regte gedagtes". Melani Vosloo skryf in die Lig tydskrif van Augustus 2020: "Ons het lagies mense geword". Rona vertel dat sy dit dadelik verstaan het. Deur die lewe leer ons om ons te beskerm deur lagies om onself te verf, plak en bou. Voorgee lagies - ons gee voor dat dit goed gaan. Weerstand lagies - ek stem nie saam nie en doen wat ek wil. Aangeplakte vriendelikheid lagies - ek onttrek my, los my liever net alleen.

Selfs Laurika Rauch sing van my moskombersie wat 'n menskombersie geword het, die mense wat ek lief het, kom groei op my soos mos, daar laat ek hul na hartelus gedy, en loop ek deur die wêreld - beskut teen die koue - Die snoesigheid self: Ek met my mos- of menskombersie" Sy vertel ook hoe jy die Russiese Matryoshka poppies uitmekaar haal tot jy by 'n piepklein poppie kom. Hoekom noem sy al hierdie dinge?

Ons leef tans in baie onnatuurlike omstandighede. Ons word gestroop deur die virus, kwaad, ongeregtigheid en die inperking van 'n beskermingstrategie. Die stroopproses is ongemaklik en selfs seer en ons is onseker omdat ons die goed wat gebeur nie kan beheer nie. Ons vrees die onbekende vyand en word vasgevang in 'n tronk van emosies en gedagtes. Sy motiveer elkeen in haar boodskap om op te styg bo hierdie omstandighede deur die regte gedagtes te plant. Die Engelse weergawe van Filippense 4:8 vorm 'n akroniem waarby elkeen kan leef. **Pure, Lovely, Admirable, Noble and True** waarmee die woord plant gevorm word. Hierdie vorm 'n kombersie waarmee ons nuwe lagies in ons lewe kan vorm en elke dag moet plant. Ons moet elke dag plant om die onkruid in ons lewens uit te wis. Die volgende vergadering sal plaasvind in September en word deur Sannetje Lombaard gereël.



'n Ware seun van Afrika, boerseun in murg en been, jagter van formaat, vuurwapenkenner, ballistiese spesialis, deel van die ontwerp van premiumkoeëls (Peregrine), boogskut en afrigter, Boran-teler, vliegduifkenner en teler, liefhebber van enigets wat iewers onder die enjinkap te doen het met Chevrolet, hy het vlot Sotho gepraat ... Die lys word net langer en langer. Al hierdie fasette en nog baie meer spel iets uit van die briljantheid van hierdie gebore Heilbronseun.

Na universiteit het hy homself as professionele jagter bekwaam en het Afrika, veral Kenia, ontvanger van sy voetspore geword. Bedrewe jagter van die

## ADRIAAN RALL

\* 12 MEI 1961 - † 18 AUGUSTUS 2020

groot vyf, eers as "outfitter" van sy eie Dinare Safaris vir geweerjagters en later vir boogjagters. In boogskiet het hy 'n nuwe liefde gevind, die uitdaging was net soveel groter. Hy was die heel eerste Suid-Afrikaner wat in Yellowstone National Park, VSA, 'n permit gekry het om 'n bison met 'n boog te jag. Talle boogskutters het onder sy mentorskap gedy. Hy was voorwaar 'n kind van die veld. Toe het hy siek geword. 'n Uiters seldsame en ongeneeslike, rumatiese siekte het hierdie veldkind ingeperk tot meestal bedlêend die afgelope paar jaar. Adriaan het swaar gekry, maar dit kon nie sy gees breek nie. Al was hy bedlêend, was hy nog steeds Peregrine Bullets se herlaaispesialis. Medejagters sal die knop knik, vir oulaas, "Weidmannsheil, Herre Adriaan".

Geen gewone kerkdiens gaan gehou word nie. 'n Virtuele gedenkdienst gaan opgeneem word en op YouTube gelai word vir familie en vriende. Teen druktyd is geen datum en tyd gefinaliseer nie.

## VELD REEDS VOL VIR BOKKEDAG

Nadat dit bekend gemaak is dat die Bokkedag wel gaan plaasvind, was daar binne 'n dag genoeg inskrywings. Volgens Covid-reëls mag daar nie meer as 50 mense bymekaar wees nie en dus word die veld tot 48 inskrywings beperk.

Die wind het die Saterdag nie maklik gemaak nie, tot vier spelers van Frankfort het hier ingewaai. Niemand kon baansyfer breek nie en het die besoekers met die eerste twee vleispryse weggestap. Die Frankfort-manne verstaan dalk net

beter hoe om die bal laag te hou. Twee van die klub se buite-lede, James en Melda Houy, het ook ingespring en die tuintjie 'n "haircut" gegee.

Die ander goeie nuus is dat die Joker-trekking weer Vrydagaande om 19:00 gaan plaasvind. Die pot het darem nie in grendeltyd verdwyn nie en staan nou op R11 097. Kom kies jou nommer en geniet sommer 'n steak-ete vir net R65. Môre is gewone spel, inskrywings vanaf 10:30 vir afslaan 11:00.



Op die foto vl: Bessie van Zyl, Bertha Hancke, Lizette Muller en Pia Pienaar.



Saterdag se wenners vl: Willem Loots (bestuurslid), Ruan Mienie (3de), Shaun Botha (2de) en André Theron (1 ste).